



Facultade de Ciencias da Educación  
UNIVERSIDADE DA CORUÑA



# **MESTRADO UNIVERSITARIO EN PSICOLOXÍA APLICADA**

## **REGULAMENTO TRABALLO DE FIN DE MESTRADO**

## ÍNDICE

|  |    |
|--|----|
| 1. Definición .....  | 3  |
| 2. Competencias .....  | 3  |
| 3. Requisitos para a realización e a avaliación .....                    | 4  |
| 4. Contidos e elaboración do Traballo .....                              | 5  |
| 4.1. Temática.....   | 5  |
| 4.2. Asignación e cambios .....  | 5  |
| 4.3. Dirección .....   | 6  |
| 4.4. Tipos de Traballo admitidos .....                                   | 6  |
| - Proxecto de investigación. ....  | 6  |
| - Traballo de investigación. ....  | 6  |
| - Revisión sistemática .....   | 6  |
| 5. Presentación e entrega do Traballo .....                              | 7  |
| 6. Defensa e avaliación dos Traballos .....                              | 8  |
| 6.1. Tribunal Avaliador .....  | 8  |
| 6.2. Convocatoria .....  | 8  |
| 6.3. Defensa e avaliación do Traballo .....                              | 8  |
| 6.4. Cualificación .....   | 9  |
| 6.5. Actas .....   | 10 |
| 6.6. Revisión e reclamación das cualificacións. ....                     | 10 |
| ANEXOS .....   | 11 |
| I.    Instrucións para a elaboración dun proxecto de investigación ..... | 11 |
| II.   Instrucións para a elaboración dun traballo de investigación ..... | 13 |
| III.  Instrucións para a elaboración dunha revisión sistemática .....    | 15 |
| IV.  Portada do Traballo de Fin de Mestrado .....                        | 16 |
| V.   Informe do/a director para o tribunal avaliador .....               | 17 |

# REGULAMENTO DO TRABALLO DE FIN DE MESTRADO

(Modificado e aprobado pola Comisión Académica do Mestrado o 10 de Outubro de 2023)

## 1. Definición

O Traballo de Fin de Mestrado estará orientado a avaliar as competencias asociadas ao título. Tratarase dun traballo de afondamento nunha ou máis materias, que compendie a formación adquirida ao longo do mestrado. Consistirá na realización dun traballo individual tutelado, na redacción dun informe e na súa presentación e defensa oral. Os Traballos de Fin de Mestrado poderán desenvolverse como un traballo de investigación, un proxecto de investigación ou unha revisión sistemática.

## 2. Competencias

O Traballo de Fin de Mestrado debería reflectir que se adquiriron as competencias propias do resto das materias aínda que, sen prexuízo disto, deberá garantir a adquisición das seguintes:

Competencias específicas:

- Ser capaz de elaborar un informe científico que implique definir un problema de investigación, as hipóteses e variables asociadas, así como definir o deseño, a mostra e o seu modo de selección, as ferramentas de recollida de datos e o seu consecuente análise e discusión.
- Coñecer os métodos e técnicas cuantitativos e cuasi-cuantitativos de recollida de información en psicoloxía aplicada.
- Ser capaz de analizar a documentación bibliográfica necesaria para un traballo de investigación.
- Ser capaz de analizar criticamente as publicacións científicas.
- Adquirir os coñecementos e destrezas necesarias para a exposición e defensa dun traballo de investigación.
- Ser capaz de comunicar os resultados dunha investigación.

Competencias xenéricas:

- Capacidade de análise e síntese.
- Capacidade de organización e planificación.
- Razoamento crítico.
- Compromiso ético.
- Aprendizaxe autónoma.
- Iniciativa e espírito emprendedor.
- Motivación pola calidade.
- Toma de decisións.
- Capacidade de aplicar os coñecementos á práctica.
- Habilidade para traballar de forma autónoma.

Competencias nucleares:

- Expresarse correctamente, tanto de forma oral coma escrita, nas linguas oficiais da comunidade autónoma.
- Utilizar as ferramentas básicas das tecnoloxías da información e as comunicacións (TIC) necesarias para o exercicio da súa profesión e para a aprendizaxe ao longo da súa vida.
- Valorar criticamente o coñecemento, a tecnoloxía e a información dispoñible para resolver os problemas cos que deben enfrontarse.
- Valorar a importancia que ten a investigación, a innovación e o desenvolvemento tecnolóxico no avance socioeconómico e cultural da sociedade.

### **3. Requisitos para a realización e a avaliación**

A realización do Traballo de Fin de Mestrado terá como requisito previo a aprobación pola Comisión Académica dunha proposta avalada por un/unha docente do mestrado, que será o director/a do Traballo. A proposta entregarase a través da APP-TFM da Facultade, de acordo coa data indicada no calendario escolar e consistirá nun título e un breve resumo do contido do traballo (máximo 300 palabras), sendo indispensable o visto bo do titor para a súa aceptación.

A proposta que aprobe a Comisión Académica só terá validez para a presentación do traballo nunha das dúas convocatorias do curso no que se presente, máis a extraordinaria de febreiro do curso seguinte (isto é: aproximadamente un ano desde a súa aprobación). De non facerse así, será necesario presentar unha nova proposta, con distinto título e contido, aínda que poderá manterse a temática e a dirección. Estes

prazos rexerán tamén para o cambio de temática ao que se refire o punto 4.2. deste Regulamento.

Para a defensa pública do Traballo será requisito ter aprobadas todas as restantes materias do Mestrado (tal como se especifica na normativa da UDC).

## **4. Contidos e elaboración do Traballo**

### **4.1. Temática**

O Traballo de Fin de Mestrado deberá adscribirse ás liñas de investigación do mestrado. Antes do inicio de cada curso, a Comisión Académica da titulación dará o visto e prace ás propostas que faga o profesorado.

### **4.2. Asignación e cambios**

Unha vez finalizado o último período de matrícula abrirase un prazo para que o alumnado estableza unha orde priorizada das temáticas da súa elección. A asignación de director/a e, no seu caso, de codirector/a e do título provisional do Traballo faraa a Comisión Académica dentro do mes seguinte á finalización do mencionado período. A orde de prelación do alumnado establecerase de acordo á puntuación obtida no proceso de admisión á titulación.

Transcorrido un mínimo de 60 días dende a asignación, o/a estudante que queira cambiar de tema e/ou de dirección académica, deberá solicitalo mediante escrito motivado dirixido á Coordinación do Mestrado. Unha modificación do título que non implique cambio da temática inicial poderá solicitarse ata un mes antes da data establecida para o depósito do Traballo. Un cambio de tema e/ou director/a deberá solicitarse, como mínimo, catro meses antes da data do depósito. Todas as peticións que non impliquen cambio de dirección deberán estar avaladas por ela. Nun prazo máximo de 15 días naturais a Comisión Académica resolverá sobre a procedencia do cambio e asignará, ou solicitará ao Departamento correspondente, un/unha novo/a director/a e/ou tema, previo acordo das partes.

O/A docente que queira renunciar á súa dirección dun Traballo de Fin de Mestrado, deberá solicitalo mediante escrito motivado dirixido á Coordinación do Mestrado. A Comisión Académica resolverá sobre a procedencia da renuncia e asignará, ou solicitará ao Departamento correspondente, outro/a director/a e, se procede, un novo tema, nun prazo máximo de 15 días naturais, previo acordo das partes.

### 4.3. Dirección

Para dirixir ou co-dirixir Traballos de Fin de Mestrado será necesario posuír o título de doutor/a. Só poderá haber un/ha director/a máis un/ha codirector/a. O/a primeiro/a terá que ser, necesariamente, docente do Mestrado no momento da asignación.

As funcións da dirección serán:

- Asesorar sobre a elaboración da proposta de Traballo de Fin de Mestrado e emitir o seu informe (favorable ou desfavorable) ao respecto.
- Asesorar no relativo á estrutura do Traballo, os métodos de investigación, as fontes documentais e a redacción.
- Establecer etapas e datas de entregas parciais do Traballo.
- Asesorar na presentación, exposición e defensa do Traballo.
- Dar o seu visto bo ao Traballo para a súa defensa pública.

### 4.4. Tipos de Traballo admitidos

O alumnado poderá elixir entre tres tipos de Traballos:

#### **- Proxecto de investigación.**

O propósito desta modalidade é aportar información útil e aplicable ao desenvolvemento dun proxecto de investigación novidoso. A estrutura do Proxecto de Investigación e as directrices básicas para a súa elaboración están recollidas no [Anexo I: Instrucións para a elaboración dun proxecto de investigación.](#)

#### **- Traballo de investigación.**

O propósito desta modalidade é comunicar os resultados derivados dun proceso de investigación orixinal levado a cabo polo/a estudante. A estrutura do Traballo de Investigación e as directrices básicas para a súa elaboración están recollidas no [Anexo II: Instrucións para a elaboración dun traballo de investigación.](#)

#### **- Revisión Sistemática.**

O propósito desta modalidade é recopilar, empregando métodos rigurosos, sistemáticos e explícitos, toda a información xenerada pola investigación arredor dun tema ou pregunta e proporcionar unha síntese completa, fiable e imparcial a partir da cal se poidan extraer conclusións e tomar decisións. A estrutura do Traballo de Investigación e as directrices básicas para a súa elaboración están recollidas no [Anexo III: Instrucións para a elaboración dunha revisión sistemática.](#)

## 5. Presentación e entrega do Traballo

O Traballo de Fin de Mestrado deberá presentarse de forma individual e baixo a dirección dun/ha director/a. Para redactalo nunha lingua distinta ás oficias da comunidade autónoma galega requirirase a autorización expresa da Comisión Académica do Mestrado, previa solicitude formal do/a interesado/a. Dita solicitude deberá facerse, como mínimo, catro meses antes da data do depósito.

A extensión mínima será de 5.000 palabras e a máxima de 10.000. Presentarase en papel tamaño DIN A-4, cun estilo e tamaño da letra uniforme en todo o texto. As marxes serán de 2,5 cm, excepto á esquerda que será de 3 cm. Na cabeceira de cada páxina irá a numeración, á dereita, e o título do Traballo á esquerda. Se o título completo non cabe nunha liña, abreviarase ata un máximo de 50 caracteres (contando espazos). A primeira páxina será a da Portada, que se elaborará de acordo co formato normalizado que aparece no [Anexo IV: Portada do Traballo de Fin de Mestrado](#) (dispoñible en formato editable na web do mestrado). Na segunda páxina incluírase o índice do Traballo, preferiblemente interactivo. Para todo o resto do formato (parágrafos, títulos, táboas, figuras, citas, referencias, etc.) seguirase o máis estritamente posible o estilo APA 7th (<https://apastyle.apa.org/>), resumido na web o mestrado no apartado de "Tips", dentro do apartado "TFM".

Unha vez rematado o Traballo e obtido o visto bo da dirección do mesmo, subirase á APP-TFM, nun único ficheiro en formato pdf. Ademais achegarase copia do resguardo da solicitude de defensa feita na Secretaría Virtual e copia do expediente académico (obtido nesa secretaría) onde conste que están aprobadas todas as demais materias da titulación.

O director do traballo, pola súa banda, deberá cubrir na APP-TFM a través da Intranet da Facultade o Informe para o tribunal, seguindo un modelo normalizado equivalente ao do [Anexo V: Informe do/a director/a para o tribunal](#).

A data límite para entregar o Traballo dependerá da convocatoria á que se concorra. Fixarase a Facultade ou, no seu caso, a Comisión Académica, de acordo cos prazos de defensa e peche de actas que estableza a UDC, cando marque as demais datas do calendario académico de cada curso e farase pública xunto con el.

Unha vez finalizado o proceso de defensa e avaliación do Traballo e pechadas as actas de cualificacións, e sempre e cando a avaliación teña sido positiva, poderase incorporar ao Repositorio Institucional da UDC (RUC) a copia dixital do TFM, quedando rexistrada coma unha publicación en formato electrónico, e salvagardándose os dereitos de propiedade intelectual do/a estudante e do/a director/a. Para isto o/a estudante

deberá contar coa autorización da dirección do traballo e seguir o procedemento establecido pola Xunta de Facultade. O trámite formalizarase polos medios dispoñibles na web da Facultade e na do mestrado.

## **6. Defensa e avaliación dos Traballos**

### **6.1. Tribunal Avaliador**

A defensa do Traballo de Fin de Mestrado farase nun acto público diante dun Tribunal Avaliador, que estará formado por 3 membros: Presidente/a, Secretario/a e vogal, máis 2 membros suplentes. O criterio para a constitución dos tribunais será a rotación de todo o profesorado do Máster entre as tres convocatorias oficiais (adiantada, primeira oportunidade e segunda oportunidade). En ningún caso o/a director/a de un traballo poderá formar parte do tribunal que o avalíe.

Sen perxuício do anterior, de existir unha normativa de carácter xeral da Universidade ou da Facultade, será esa a que se aplicará.

### **6.2. Convocatoria**

O Tribunal Avaliador fixará as datas para os actos de defensa pública do Traballo, dentro dos prazos previstos no calendario académico da titulación. O/A Presidente/a, a través da Coordinación do Mestrado, fará pública a convocatoria cunha antelación mínima de cinco días naturais, indicando lugar, día e hora de comezo, así como calquera outra información que se estime conveniente.

### **6.3. Defensa e avaliación do Traballo**

Para a defensa pública do Traballo será requisito ter aprobadas todas as restantes materias do Mestrado. A defensa será realizada polo/a estudante en sesión pública e consistirá na exposición oral do Traballo durante un tempo máximo de 15 minutos, no que se dará conta dos aspectos máis relevantes da investigación. Poderá empregar os medios de apoio, audiovisuais e doutro tipo, que estime pertinentes.

En casos xustificados, o Tribunal poderá solicitar á Comisión Académica, mediante escrito razoado, a retirada do Traballo antes da súa presentación pública.

Para realizar a exposición oral nunha lingua distinta das oficiais na comunidade autónoma galega será preceptiva a autorización previa por parte da Comisión Académica do Mestrado, que se pronunciará a petición do/a interesado/a. Dita solicitude deberá facerse non máis tarde da data límite establecida para a preinscrición de cada convocatoria.



A Comisión Académica poderá autorizar, en casos debidamente xustificados, e previa solicitude expresa do/a estudante interesado/a, a defensa a través de medios telemáticos, aínda que sempre, e inescusablemente, de forma síncrona e presencial, ademais de pública. A solicitude deberá facerse antes da finalización do prazo de preinscrición para a defensa de cada convocatoria e resolverase antes da data establecida para a publicación do tribunal do acto de defensa para o que se presenta. Sen perxuício do anterior, en situacións excepcionais poderase establecer que todas as defensas se organicen desta maneira.

Tras a exposición, os membros do tribunal poderán formular as preguntas ou solicitar as aclaracións que consideren oportunas para poder xulgar a calidade do Traballo. O/A estudante deberá responder ás cuestións formuladas. Previamente, o/a Presidente/a poderá establecer un tempo máximo para as intervencións tanto do Tribunal como do/a estudante.

Salvo motivo xustificado, todo o alumnado que vaia a expoñer o seu TFM deberá estar presente durante todo o acto (en todas as presentacións de estudantes e as intervencións do tribunal).

Finalizada a defensa de todos os Traballos que se presenten á convocatoria, o Tribunal deliberará e procederá a elaborar o informe cualitativo e a dar a cualificación correspondente, que o/a Secretario/a trasladará á *Acta Individual da defensa e avaliación dos TFM* na Intranet da Facultade. A cualificación numérica, así como a data de revisión de cualificacións, envorcaranse tamén na Secretaría Virtual da Universidade. Ambos procedementos deberán realizarse nun prazo non maior de 24 horas desde que finalizase o acto.

#### **6.4. Cualificación**

O sistema de cualificación rexerese polo Real decreto 1125/2003, polo que se establece o sistema europeo de créditos e o sistema de cualificacións nas titulacións universitarias de carácter oficial e validez en todo o territorio estatal: 0,0-4,9: Suspenso (SS); 5,0-6,9: Aprobado (AP); 7,0-8,9: Notable (NT); 9,0-10: Sobresaliente (SB).

No caso de declararse o Traballo como non apto (cualificación numérica inferior a 5), o Tribunal Avaliador fará chegar ao/a estudante e ao/a director/a as recomendacións que considere oportunas. Se ocorre na primeira oportunidade na que se fixo a solicitude de defensa, o/a estudante terá unha segunda oportunidade para presentar o Traballo debidamente modificado, de cara á súa nova avaliación. Se xa o presentou dúas veces, terá que comezar o procedemento dende o principio (incluíndo elección de temática e presentación de proposta).

O/A Secretario/a do Tribunal cumprimentará a correspondente *Acta colectiva de cualificacións dos TFM* na Intranet da Facultade, a cal se fará pública no taboleiro de anuncios do título en formato físico ou na APP-TFM en formato electrónico, antes de que transcorran 24 horas desde a finalización do acto.

### **6.5. Actas**

O/A Secretario/a do Tribunal Avaliador trasladará á Coordinación do Mestrado, a través da APP-TFM, a *Acta individual da defensa e avaliación dos TFM* e a *Acta colectiva de cualificacións dos TFM*, debidamente cumprimentadas. Cada cualificación será introducida na acta electrónica da aplicación informática da UDC, tal e como esta determine.

### **6.6. Revisión e reclamación das cualificacións.**

O alumnado terá dereito á revisión do resultado da avaliación, seguindo as *Normas de avaliación, revisión e reclamación das cualificacións dos estudos de grao e mestrado universitario* vixente na UDC. Tamén poderán exercer o seu dereito á reclamación, de acordo cos prazos e motivacións recollidos nesa normativa.

# ANEXOS

## Anexo I: Proxecto

### Instrucións para a elaboración dun *proxecto de investigación*

Terá a estrutura e características dos proxectos de investigación que se presentan ás convocatorias públicas competitivas. Cunha extensión mínima de 5.000 palabras e máxima de 10.000 (incluíndo títulos, táboas e figuras, pero sen contar anexos), deberá incluír os seguintes apartados:

| APARTADO                             | DESCRICIÓN   |
|--------------------------------------|--|
| Título                               | Debe resumir a idea principal do traballo dun xeito simple, expoñendo de forma concisa o tema principal e permitindo identificar as variables ou as cuestións teóricas obxecto de investigación, así como a relación entre elas.   |
| Resumo                               | Debe ser un breve pero completo sumario do que será a investigación. Incluirá información relativa a: Problema de investigación, Obxectivos, Participantes, Método, Aplicacións ou implicacións dos resultados que se obteñan.<br>En primeiro lugar irá o resumo na lingua na que estea redactado o traballo (galego ou castelán), despois na outra lingua oficial (galego ou castelán) e, por último, en inglés.<br>O número máximo de palabras do resumo en cada lingua é 250.                                 |
| Palabras chave                       | Entre tres e cinco conceptos, en minúscula e separadas por punto e coma. A súa finalidade é describir o contido e temáticas específicas das que se ocupa o traballo. Non se inventarán, senón que se empregarán termos vixentes no Tesouro APA (PsycINFO).   |
| Antecedentes e estado actual do tema | A finalidade desta sección é: <ul style="list-style-type: none"> <li>• Introducir o problema específico obxecto da investigación</li> <li>• Describir os antecedentes e o estado actual do tema (incluíndo as referencias bibliográficas máis relevantes)</li> <li>• Indicar o propósito e razón de ser da investigación</li> </ul>  |
| Obxectivos                           | Indicar cal é a finalidade do proxecto e as súas metas concretas. Especificar os obxectivos xerais e específicos.  |
| Hipótese                             | Formular de modo claro e preciso o suposto que se pretende estudar.  |
| Método                               | Deberá describir en detalle como se fará a investigación, de forma que permita avaliar a adecuación dos métodos a empregar e a fiabilidade e validez dos resultados a obter.<br>Incluirá a descrición de: <ul style="list-style-type: none"> <li>• Participantes (selección e asignación, e características)</li> <li>• Materiais ou aparatos</li> <li>• Procedemento (resumir cada paso da execución da investigación, incluíndo instrucións, formación de grupos, manipulacións experimentais, ...)</li> </ul> |
|                                      | <ul style="list-style-type: none"> <li>• Métodos de análise dos datos</li> </ul>   |

*Instrucións para a elaboración dun de investigación*

|                                 |  |
|---------------------------------|--|
| Plan de traballo                | Establecer graficamente o desenvolvemento do traballo previsto, indicando escalas de tempos e reparto de tarefas mediante un cronograma.   |
| Plan de difusión dos resultados | Indicar os congresos e revistas científicas (mencionando o seu factor de impacto ou nivel de indexación) nos que se darán a coñecer os resultados da investigación.  |
| Recursos necesarios             | Neste apartado, incluírase: <ul style="list-style-type: none"> <li>• Infraestrutura necesaria (tipo de espazo ou centro)</li> <li>• Recursos humanos necesarios</li> <li>• Material funxible e inventariable necesario</li> <li>• Financiamento necesario (desagregado por apartados).</li> </ul>  |
| Fontes de financiamento         | Indicar as posibles fontes de financiamento públicas (convocatorias autonómicas, estatais, europeas, ...) e/ou privadas.   |
| Aspectos éticos                 | Describir como se cumprirán os requisitos éticos relacionados co ámbito do proxecto (protección de datos, consentimento informado, etc.).  |
| Custo económico                 | Indicar o custo de cada ítem e o custo final:<br>Gasto de persoal<br>Bens e servizos: <ul style="list-style-type: none"> <li>- Material inventariable</li> <li>- Material funxible</li> <li>- Contratacións de servizos (especificar)</li> <li>- Outros gastos (especificar)</li> </ul> Viaxes e dietas (participación en congresos; outros) |
| Referencias bibliográficas      | Confeccionaranse segundo as directrices da APA 7th ed. Os erros neste apartado serán considerados graves.  |
| Apéndices                       | Incluíranse só se poden axudar a entender ou avaliar o proxecto. Teñen que estar mencionados no texto. No caso de que se tiñan elaborado materiais ou instrumentos propios para a realización do TFM, convirá incluílos todo o completos que sexa posible, pero sen alongar excesivamente o apartado.  |

*Anexo II: Traballo de investigación*

## Instrucións para a elaboración dun *traballo* de investigación

Terá a estrutura e características dun artigo científico orixinal. Cunha extensión mínima de 5.000 palabras e máxima de 10.000 (incluíndo títulos, táboas e figuras), deberá conter os seguintes apartados<sup>1</sup>:

| APARTADO                | DESCRICIÓN   |
|-------------------------|--|
| Título                  | Debe resumir a idea principal do traballo dun xeito simple, expoñendo de forma concisa o tema principal e permitindo identificar as variables ou as cuestións teóricas obxecto de investigación, así como a relación entre elas.   |
| Resumo                  | Debe ser un breve pero completo sumario dos contidos do artigo. Seguirá a estrutura IMRD, incluíndo, de forma non avaliativa, información relativa a: problema de investigación, obxectivos, participantes, método, resultados, conclusións e implicacións ou aplicacións.<br>En primeiro lugar irá o resumo na lingua na que estea redactado o traballo (galego ou castelán), despois na outra lingua oficial (galego ou castelán) e, por último, en inglés.<br>O número máximo de palabras do resumo en cada lingua é 250.   |
| Palabras chave          | Entre tres e cinco conceptos, en minúscula e separadas por punto e coma. A súa finalidade é describir o contido e temáticas específicas das que se ocupa o traballo. Non se inventarán, senón que se empregarán termos vixentes no Tesouro APA (PsycINFO).   |
| Introdución             | A finalidade desta sección é: <ul style="list-style-type: none"> <li>• Introducir o problema específico obxecto da investigación</li> <li>• Describir os antecedentes e o estado actual do tema (incluíndo as referencias bibliográficas máis relevantes)</li> <li>• Indicar o propósito e razón de ser da investigación</li> </ul>  |
| Método                  | Deberá describir en detalle como se fixo a investigación, de forma que permita avaliar a adecuación dos métodos empregados e a fiabilidade e validez dos resultados, así como replicar o estudio. Incluirá a descrición de: <ul style="list-style-type: none"> <li>• Participantes (selección e asignación, e características)</li> <li>• Aspectos éticos: Describir como se cumpriran os requisitos éticos relacionados co ámbito da investigación (protección de datos, consentimento informado, etc.). Anexar exemplos.</li> <li>• Materiais ou aparatos</li> <li>• Procedemento (resumir cada paso da execución da investigación, incluíndo instrucións, formación de grupos, manipulacións experimentais, ...)</li> <li>• Métodos de análise dos datos</li> </ul> |
| Resultados              | Aquí resúmense os datos recollidos e o seu tratamento estatístico. Haberá que ter especialmente en conta a presentación dos estatísticos. A información contida nesta sección debe ser suficiente como para corroborar as análises levadas a cabo. Poderán incluírse táboas e figuras (feitas de acordo coas normas APA 7th).  |
| Discusión e conclusións | Trátase de avaliar as implicacións dos resultados, especialmente con respecto á(s) hipótese(s). Aquí débense examinar, interpretar e valorar os resultados, e extraer inferencias e conclusións a partir deles. Hai que recalcar as consecuencias teóricas e a validez das conclusións. Rematar o apartado cun comentario razoado e xustificado sobre a importancia dos achados. Incluir achegas orixinais do/a estudante.   |

*Instrucións para a elaboración dun de investigación*

|                            |   |
|----------------------------|---|
| Referencias bibliográficas | Confeccionaranse segundo as directrices da APA. Os erros neste apartado serán considerados graves.  |
| Apéndices                  | Incluíranse só se poden axudar a entender, avaliar ou replicar o estudo. Teñen que estar mencionados no texto. No caso de que se tiñan elaborado materiais ou instrumentos propios para a realización do TFM, convirá incluílos todo o completos que sexa posible, pero sen alargar excesivamente o apartado. |

*Anexo III: Revisión sistemática***Instrucións para a elaboración dunha *revisión sistemática***

Terá a estrutura e características dun artigo científico orixinal. Cunha extensión mínima de 5.000 palabras e máxima de 10.000 (incluíndo títulos, táboas e figuras), deberá conter os seguintes apartados:

|                            |  |
|----------------------------|--|
| Título                     | Debe resumir a idea principal do traballo dun xeito simple, expoñendo de forma concisa o tema principal e permitindo identificar as variables ou as cuestións teóricas obxecto de investigación, así como a relación entre elas.   |
| Resumo                     | <p>Debe ser un breve pero completo sumario dos contidos do artigo. Seguirá a estrutura tipo PRISMA, incluíndo información relativa a: obxectivos, método (criterios de elegibilidade, fontes de información, método para avaliar risco de sesgos e para sintetizar os resultados), resultados (estudos incluídos, síntese de resultados), e discusión (interpretación xeral dos resultados e limitacións).</p> <p>En primeiro lugar irá o resumo na lingua na que estea redactado o traballo (galego ou castelán), despois na outra lingua oficial (galego ou castelán) e, por último, en inglés.</p> <p>O número máximo de palabras do resumo en cada lingua é 250.</p> |
| Palabras chave             | Entre tres e cinco conceptos, en minúscula e separadas por punto e coma. A súa finalidade é describir o contido e temáticas específicas das que se ocupa o traballo. Non se inventarán, senón que se empregarán termos vixentes no Tesouro APA (PsycINFO).   |
| Introdución                | <p>A finalidade desta sección é:</p> <ul style="list-style-type: none"> <li>• Introducir o problema específico obxecto da investigación</li> <li>• Describir os antecedentes e o estado actual do tema (incluíndo as referencias bibliográficas máis relevantes)</li> <li>• Indicar o propósito e razón de ser da investigación</li> </ul>   |
| Metodoloxía                | Deberá describir en detalle cómo se fixo a revisión da literatura incluíndo a estratexia de búsqueda, os criterios de selección de estudos e a análise de información cuantitativa e cualitativa, seguindo as directrices de guías internacionalmente recoñecidas, como por exemplo, a Declaración PRISMA.   |
| Resultados                 | Aquí aparecerán os estudos encontrados e seleccionados e unha síntese descritiva ou meta-análise Poderán incluírse táboas e figuras (feitas de acordo coas normas APA 7th).  |
| Discusión/conclusións      | Trátase de avaliar as implicacións dos resultados, especialmente con respecto ós obxetivos, examinando, interpretando e valorando os resultados, e extraer inferencias e conclusións a partir deles.   |
| Referencias Bibliográficas | Confeccionaranse segundo as directrices da APA. Os erros neste apartado serán considerados graves.   |
| Apéndices                  | Incluíranse só se poden axudar a entender, avaliar ou replicar o estudo. Teñen que estar mencionados no texto. No caso de que se teñan elaborado materiais ou instrumentos propios para a realización do TFM, convirá incluílos todo o completos que sexa posible, pero sen alongar excesivamente o apartado.  |

**MESTRADO EN ... ESPECIALIDADE ...**

**CURSO ACADÉMICO ...**

**TRABALLO DE FIN DE MESTRADO**

**Título do traballo**

[incluír tamén, máis pequeno, o título en castelán e inglés]

**Nome e apelidos do autor**

Nome a apelidos do director/a

**Data de presentación do traballo**

**FACULTADE DE CIENCIAS DA EDUCACIÓN UNIVERSIDADE DA  
CORUÑA**



*Anexo V: Informe do/a director para o tribunal avaliador***Informe do/a director/a para o tribunal\*****Curso académico** \_\_\_\_\_

O/A Director/a:

**Informa** de que, ao seu xuízo, este Traballo de Fin de Mestrado merece as seguintes valoracións:

[É obrigatorio marcar unha cela en cada fila]

|                        | Excelente | Moi Bo | Bo | Regular | Deficiente |
|------------------------|-----------|--------|----|---------|------------|
| Orixinalidade          |           |        |    |         |            |
| Metodoloxía            |           |        |    |         |            |
| Resultados             |           |        |    |         |            |
| Adecuación ao Mestrado |           |        |    |         |            |

Observacións e comentarios (se procede):

Considero que este traballo reúne os requisitos necesarios para a súa defensa pública

[Campo obrigatorio] SI

NON

Data do informe: